

剡源鄉志卷十三

奉化趙霈濤 醉仙甫纂

列女傳一

宋

樊氏縉之女適舒卽文靖之母也沙隄樊譜

案舒文靖集先君承議壙誌父黻字德觀一字

德濟母李氏而樊譜謂爲文靖之母其母字上

脫一伯字或叔字與不然是譜牒之妄也今姑

存之

剡源鄉志 卷十三 列女傳一

舒氏董溪案今董村竺頌碩夫之配柔惠疏通克勤厥已既

嫁事舅姑婉而恭遇長幼類稿幼作媼卑而睦相夫子慎

類稿慎作順而勤嫻親饋問孔惠孔時酒食賓燕具有旨

蓄故能和室人輯宗黨而家道以豐諸子能勝冠舒

爲裏糧但類稿但作俸負笈出就明師歲時歸覲類稿覲作勤

問師友所講何說汝曹所肄何業所學何似躬自督

課不懈益嚴子大年大本大聲大用舒文靖集大年詳人

物傳

陸氏曹盅之配甯海人曾祖熙祖展父之機起於富室

而溫恭勤儉無媚妒之私事姑相夫婦道惟謹盡之  
成家出處無玷缺內助爲多封宜人年五十二卒子

孝忠孝先改媿集孝先詳人物傳

曹氏粹中幼女盡之妹嘗寡居盡欲奪而嫁之妹自以

與嫂陸氏相處無間不願再適同居者二十年改媿集

戴氏康熙志丹小山乾隆志陳自強妻年二十適陳不一年

而夫亡康熙志遺腹生子銓陳譜父母欲奪其志誓不可

端靜貞淑內外肅如宗族鄉黨咸敬重之年八十而

卒名曰清臺節婦康熙志進士劉棟題其堂曰貞柏臧

剡源鄉志 卷十三 列女傳一 二

元儒爲之記銓有節母戴孺人墓誌陳譜崇祀節孝祠

孫觀清容集詳人物傳

陳氏著女兒歸蕭氏夫死誓守柏舟郡聞於朝賜旌表

褒節著有詩曰終身堅白表重閨一粹真如玉不痕

能使齊侯歸弔室自應沛相奏題門青天有眼臨霜

節黃壤知心妥夜魂不見鄞江八行史葉夫人德長

兒孫木堂集

童氏諱尙柔字子敬陳著妻也同邑進士居善之女童

婉而正敏而靜父以經學師一鄉母爲忠肅陳公之

孫有懿則童周旋禮詩中習與性成既歸著事舅孝  
敬以不逮姑爲恨相春秋之事親滌濯羞簋盞勞極  
勿懈處貧以禮閨房間甚相諧熙每聽著讀書歷耳  
了其大義頗閑筆札不輕一字於外著多遠遊持家  
條理其舅寢疾時病產未信宿力起奉湯藥餽粥食  
不時夜不解帶殆五旬舅垂歿目著曰汝妻善事我  
必善汝助承我宗事其無憾童素弱由是益多疾病  
輒難療遂卒年三十七

陳著撰  
墓表

趙氏名必興字友良華亭知縣崇燾之女陳著妻也著

剡源鄉志

卷十三

列女傳一

三

出入仕路二十餘年內助爲多

剡川詩鈔

暇日舉酒屬之

而歌曰險難兮更嘗淡薄兮悠長翁與張兮何常如  
友良何兮友良趙賡歌曰往事兮浮雲偕老兮天倫

樂莫樂兮吾真如良人何兮良人

陳著內子  
友良字說

女洸淑

竝能詩

本堂集

鄞志案曰本堂有前  
妻童氏墓表則趙氏其繼妻也

陸氏張錯妻也

錯詳人  
物傳

大師陶山之裔曹娥監鎮之女

孝事舅姑自隨有田廬券謀諸錯曰將以與吾父之  
後資事奉錯犁然當其心卽卷而復之相成以義如

此

陳著撰張正  
甫墓誌銘

元

陳氏名潤字汝玉

鄞志案本堂集汝玉名洸著次女集中屢見且為之作字說與晉卿集名

潤異知台州著之女歸慈溪黃正孫夫婦之間相成以

道執箕帚侍巾櫛無違禮治絲繭縫衣裳無廢事主

饋食供祭祀無曠典而又不憚劬勤致養於姑得其

歡心詩書語孟及女誡女則等篇皆能成誦子玠方

幼口授以書程督嚴於外傳尤喜觀易所占多驗間

作小詩亦有思致嘗為二子賦詩若干韻有關於倫

紀可裨於治化學士大夫咸稱誦之泰定四年卒年

剡源鄉志

卷十三

列女傳一

四

六十有三天歷戊辰九月歸葬剡源之三石女適戴

帥初先生之子幼儒

黃潛撰黃正孫墓志

陳氏名淑著之女

本堂集

工吟詠剡川詩鈔著有次韻女淑壽

兄詩

本堂集

惜淑之詩不傳

案陳本堂長女滋次女洸即潤三女清四女冲則

淑當是幼女

毛婦丁氏養姑甚孝姑病刲股肉作羹食之而痊

仇遠稗史

案毛婦附於毛良孫陸氏之後當是石門人

明

汪氏本信女西晦溪單直情妻年十九夫亡遺腹生子  
迪以守節終其身洪武時請旌於朝會稽楊楨爲之

傳西晦溪  
單譜

童氏亭下單譜單仲饒妻事姑甚謹姑遭瘧疾醫更年弗

愈乃潛礪刀俟姑求肉粹左股割之烹以進姑異其  
味問所由來其姒具言之姑爲悲感疾亦尋愈單仲

友爲作孝婦傳康熙志入祀節孝祠

葛氏三石陳茂維妻年二十餘夫卒孝養兼盡撫孤成

立守節終其身陳譜

剡源鄉志 卷十三 列女傳一 五

汪氏沙隄樊富康繼妻守節四十餘年崇正時年七十

三卒樊譜